

Inatsisartut aningaasanut inatsisaanik toqqammaveqarluni erhvervsstøttemi pujlemik pilersitsinissaq siunertaralugu inatsisissatut siunnersuummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(ATASSUT-ip Inatsisartunut ilaasortaataitai: Siverth K. Heilmann, Knud Kristiansen)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Siullermeerneqarnera

2009-mi qinersineq sioqqullugu Inatsisartut 2008-mi ukiakkut ataatsimiinneranni partiit tamarmik aalajangiuppaat erhvervsstøttepuljemik pilersitsisoqassasoq (UKA2008/54). Naalakkersuisulli tulleriaarinerminni Inatsisartut aalajangigaat ilalerlugu kinguneratigut siunnersuummik saqummiussissallutik pissutissaqarsimangillat .

Atassutip siunnersuuteqarneratigut siunertaavoq Erhvervsstøttepuljemik pilersitsinissami aningaasanut inatsit aqutigalugu ataasiartumik aningaasaliisoqassasoq. Aningaasat taarsigassarsiaritineqartut taarsersorlugit akilersorneqartut Erhvervsstøttepuljemi aningaasaatitut atugassiissutaassapput.

Aningaasat isaasut/ ESU-mit attartortitanit akilersuutigineqartut kissaatigineqarput, puljemi aningaasaatissatut inissinneqarnissaat.

Erseqqissaatigineqassaaq ESU-mi aningaasaatit piffissami 2000-imiit 2009-imut ineriartorneri isertitanut atatillugu attartortitanit akilersuutigineqartut attartortitseqqiinerneq ilaqarmata. Tamanna imatut paasineqassaaq attartukkat ilaai naatsorsorneqariarlutik aamma attartortitseqqiinerneq (aningaasaliissuteqaqqiinerit) ilaqarmata, taakkuali immikkut ittumik akilersuutitut aamma immikkut ittumik attartortitseqqiinerneq takuneqarsinnaasarput. Aningaasanut inatsimmi siunertanut oqaasertaliinerit taakkualu nassuiarneqarnerisa tamanna periarfissaqartippaa.

Aningaasaatit ineriartornerisa takutippaat ukioq kingulleq isertitat annertuumik appariaateqarnerat. Naalakkersuisuni nalilerparput isertitat ukioq manna ammattooq qaffariaateqarnaviannigitsut, tassami taarsigassarsisimasut arlallit periarfissaqarnertik naapertorlugu ukiuni marlunni attartukkaminneq taarsersuinissaminneq kinguartitsigallarsimmata. Attartukkanik taarsersugassanik kinguartitsigallarsinnaanermut periarfissiineq Inatsisartut Aalisarnermut, Piniarnermut Nunalerinermullu Inatsisartut inuussutisarsiutinut siuarsaanissamut inatsisaanik aalajangiinerannit pivoq.

ESU eqqarsaatigalugu 2009-imut kisitsisit takussutissiigallartut ersersippaat Landskarsimut aatsaavissuaq ukioq 2000-imiit aningaasartuuteqarnerusimaneq isertitanut sanilliullugu, tamanna ilaatigut attartukkanik taarsersugassanik attartortut kinguartitsigallarsinnaanerisa periarfissaqarnerisa atornerarneranit pivoq. Aningaasaqarniarnermit inissisimaneq tamakkiisoq aammattaaq tamatumani inissisimanermit tunngaviliivoq.

Ersareqqissaanngilaq Atassutip erhvervsstøttepuljemik pilersitsiniarnermini aningaasanut inatsit aqutigalugu ataasiartumik aningaasaliisoqarnissaanik eqqarsaatersuuteqarnerat.

Naalakkersuisut siunnersuuteqartut isumaqatiginngilaat siunnersuuteqarnermikkut inuussutissarsiutinut taperseeriaaseq patajaatsoq ukiumoortumillu aningaasalersorneqarnissamut pisariaqartitsinngitsoq pilersinneqassanerarmassuk.

Ukiuni kingullerni aningaasarliornerup malitsigisaanik landskarsi isertitassaraluaminik pisarunnaarsimavoq, taakkua siusinnerusukkut inuussutissarsiutinut tapersiisarnermit taarsersukkanit aammalu erniaannit landskarsip pissarsisarsimagaluarneratigut. Naalakkersuisut nalilerpaat inuussutissarsiutinut tapersiisarnerup allanngortiterneqarnissaanut Atassutip siunnersuuteqarnera inuussutissarsiutinut taperseeriaatsimik patajaatsumik ukiumoortumillu aningaasalersorneqarnissamut pisariaqartitsinngitsumik aammalu, inuussutissarsiutinut taperseeriaaseq inuussutissarsiutit aalisarnermik, piniarnermik nunalerinermillu inuussutissarsiutinut atatillugu imminnut akilersinnaanerusunnorsarneqarnerannut annertusaataassanerannik siunnersuut kinguneqartitsinaviannngimmat.

Naalakkersuisulli nalilerpaat aalisartunut, piniartunut aamma nunalerinermik inuussutissarsiuteqartut atugaasa ukiumiit ukiumut allanngorartuunerisa kingunerisaanik killormut ESU puljemik pilersitsinerup aalisartunut piniartunut aamma nunalerinermik inuussutissarsiuteqartunut patajaatsuunngimmat, tassami kisitsisit ukioq kingullermeersut kisiisa tunngavigalugit atuut-sitsisoqalissappat (attartukkanik aningaasaliissuteqaqqiinerit aammattaaq aalajangiisuussallutik). Tamakkiisumik isiginnikkaanni qularnarpoq ajornakusuussallunilu inuussutissarsiutinut tapersiisarnerup allaffissornikkut aqunniarnera ingerlatissagaanni isertitat aningaasartuutillu ukiuni taakkunani taama nikerartigisinnaaneri tunngavigalugit.

Naalakkersuisut siunnersuuteqalersaanngillat imaluunniit allannguutissamik saqqummiussilersaanngillat Inatsisartuusimasut aalajangigaat ilalissallugu qulaani tunngavilersuutigineqartut tunngavigalugit Naalakkersuisulli isumaqarput siunnersuutigineqartoq inuussutissarsiutit pillugit tapersiisarnernut nunami immikkoortortakkaani sumiiffinni ineriartortitsinissamut pilersaaruserluni suliaqarnermut aallartisarneqareersumut ilanngullugu suliarineqartariaqartoq. Naalakkersuisut kissaatigivaat tamatuma kingorna naliliinissaminnik inatsisinut sorlernik allannguuteqartitsinissanik saqqummiussaqaassanerlutik.

Inuussutissarsiutinut tapersiisarneq patajaatsoq aamma siumut nalunangereersoq qulakkeerusullugu Naalackersuisut inassutigissavaat, Atassutip siunnersuuteqarnera akuersaarnegassannigitsoq.

Matumuuna qulaani taaneqartut tunngavigalugit suliaq Inatsisartunut suliareqqitassanngortipara.

Ilanngussaq

Isertitat akilersuutillu ineriartornerisa takussutissiomeri (1.000 kr.)

Konto pin-gaarneq	2000	2001	2002	2003	2004	2005	2006	2007	2008	2009 (kisitsisit takussutissaa-gallartut)
51.07.43 akilersuutit	-1.719	-31.133	-61.914	-12.530	-23.565	-34.473	-27.738	-15.440	-20.089	-9.184.259
51.07.44 Ernianit isertut	-10.768	-13.918	-13.918	-13.168	-8.200	-4.077	-3.976	-2.520	-2.844	-1.632.978
Tamakkerlugit	-12.487	-45.051	-75.832	-25.698	-31.765	-38.550	-31.714	-17.960	-22.933	-10.817.237

ESU-p ataani tapersiisarnermut kontut pingaarnertit ukuupputtaq:

Konto pingaarneq	2000	2001	2002	2003	2004	2005	2006	2007	2008	2009 (kisitsisit takussutissaagallartut)
51.07.40 Attartukkat emiaqaratillu taarsersugassaangitsut	16.085	14.588	11.097	5.458	5.854	9.787	4.656	3.129	2.115	1.714.319
51.07.41 Ernianut tapiissutit	2.600	2.010	1.751	862	981	792	428	484	521	339.934
51.07.42 Attartukkat emiaqartitaasut	28.400	30.639	20.457	9.694	26.588	24.609	9.825	11.274	13.099	7.466.636
51.07.45 Nunalerineq – attartukkat ernialersugaangitsut taarsersugassaangitsullu									5.687	2.686.018
51.07.50 Qularnaveeqqutinik akiliineq										604.912
Tamakkerlugit	47.085	47.237	33.305	16.014	42.229	35.188	14.909	14.887	21.422	12.811.819

ESU-mut atatillugu Landskarsimut isertut aamma aningaasartuutit imaapput:

	2000	2001	2002	2003	2004	2005	2006	2007	2008	2009 (kisitsisit takussutissaa-gallartut)

Isertut	-12.487	-45.051	-75.832	-25.698	-31.765	-38.550	-31.714	-17.960	-22.933	-10.817.237
Aningaasartuutit	47.085	47.237	33.305	16.014	42.229	35.188	14.909	14.887	21.422	12.811.819
Tamakkerlugit	34.598	2.186	-42.527	-9.684	10.464	-3.362	-16.805	-3.073	-1.511	1.994.582